

# Höhneläus en Zesse

Willi Fuhrmann

**D**orsch en Kennefreund, der enzwesche Dockte an de Uniklinik en Mainz ess, wue ech letztens an e Erlewness aus de Kennezeit en Zesse erinnert. Et woar im Joahr 1951.

Mir hatten dehäm en klääne Bauerekrohm, met zwää O'esse, die Max on Moritz heschen. Füe Grönfoede, Krompere ode Äppel hähmzeholle, hatten mir en klääne Kasteware on für Hö oder Frücht ze holle, en E'elääteware (Ernteleiterwagen). LääteWARE hesch der weil die Seitedääl aussoochen, bie en gruuß Lääte. Den Ware hatten der Broode von meinem Vatte on meine Vatte seleve jebaud, denn der Broode wor jelierte Stellmacher, jenuu bie meine Schrußvatte. Domet ihr west, bie esu en E'elääteware aussoch, well ech den emol kuez beschreiwe. Also, de Aase woren natürllech aus Eise, awe alles anere aus Holz. Nur die Rädde hatten en Eisering dromerömm, sonst hätten se jo net jehahle. Alles anner wu'e seleve jemaach. De Naaw, bo de Spe'echte drenn kohmen, dat wor jahnet esu äänfach onn me moht janz jenuu arwede, zemols et jo domols net allzevill Maschinne jow onn werklech noch alles met de Hand jemaach wue. Op die zwä Aase, fü'e onn henne sohs en drähbare Schämel on dodropp wuren de Rongegestoch, vier Stöck. Die hehltan dann die Seitedähl, also die Läätere zesamme. Dann woe füe noch e Lääteche, bat oowe trapezförmech zesammeleef. Dat wu'e dann huhjeklappt, wenn de Ware met Hö oder Frücht, oder Strüh volljeladde wue. Wo'e der Ware dann voll bess an et letzte Loch von dem Lääteche, dann kohm owedrüwe en Wissboom, datt woe en Stange, meistens aus Danneholz, der jeng üwe de ganze Ware onn stontt henne noch e besje üwe. Dodrann kohm dann e Sääl ode en Kett, onn die wur dann onne, henne am Ware met em kromme Holzstöck, bat me Fräädell nannt, an en Holzstang, die henne eraus-stontt, fassjefräädelt, also jespannt. Domet wur dat Zeuch, bat omm Ware wo'e joot fassjehahle, denn der Ware, von de Oese jezooche, wur vom Feld



*Blick in die Brohltalstraße in Niederzissen, Richtung Mittelstraße (l.), Gemälde von Kaufer, um 1950*

bess Hähm, ode op de Dröschplatz janz schön jeschüddelt, weil die Feldwe'ech jo lang net su joot en Ordnung woren, bie heut.

## Meine Jeschicht

Su, jetz well ede awe endlech mein Jeschicht verzelle. E paar Häuse von ohs fott, enn de ahl Schull, hätt ohse domolije Schullehre Kuffne jewonnt. Der hat zwä Jonge, Zwillinge, die woren su alt bie ech. Onn nommendaachs kohmen die bei ohs spille ode fuhren met en et Feld, do woe seche mie loss bie bei Schullehrech dehäm. Et woe Summedaach, de Eelääteware stontt em Hoff onn irjendähne kohm op de Idee, e Häusje ze Baue. Dat woe janz äänfach. Üwe die Seitedääl wuren e paar Latze jelaach onn als Daach wuren ahle Säck jehollt, die newech em Höhnestall owech de Foodeköch loochen. Die Säck loochen newech dene vier Höhneneste bo die Höhne de Eier erenn läje dooten. Alsu wo'e dat „Häusje“ flott fe'edech onn mir drei krochen all ze samme onnesch dat Daach, warscheinlech wäjen de Sonn, denn noh Rähn soch et net aus. Me woren kaum joot dronnesch dur feng et ohs ann ze jucke onn mir mohten ohs janz vill kratze am ganze Balech. Flott sein me aus

ohsem Häusje jekrabbelt onn hann mei Motte jeroof, batt dat sein maach. Die hätt dann jereck jesehn, mir woren von owe bess onne voll Höhneläus onn hatten die ganze Klamotte voll. Die wuren iesch emol ausjedohn onn dann hätt se ohs met Keesääf awjewösch. „Die hahlen sech net lang“, söt se, „die Höhneläus maachen sech nix aus Mönchebloot“. Die zwää Lehrechjunge sein dann flott hähm. Do hätt ihr Motte de Hänn üwe em Kopp zesammesjeschlohn, Läus en de Lehrechwohnung, dat wo'e jo kaum aus-

zedenke. Die Zwää wuren en die Bütt jestoppt on die letzte noch lewende Läus wuren äfach ersäuft. Die Klamotte, die me anhatten kohme jereck en de Kochwösch, en der Hetz hatt kähn Laus mie en Schangs. Meine Vatte hätt dann dat jooode Wendelinuspoleve vom Rejal en de Foodekösch jehollt onn de Höhneställ, de Säck, die noch do loochen, onn, suweit se sech et jefalle lehten, och de Höhne enjepudert. Op et jeholve hätt on wenn jo bielang, wääs ech nimmie. Et es jo at üwe sechzich Joar her.